



**Aningaasaqarnermut Akileraartarnermullu
Naalakkersuisoq**

Ulloq: 17. december 2025
J.nr.: 01.31.06/25-01159

**Aningaasaqarnermut Akileraartarnermullu Ataatsimiititaliap ataasinngornermi ulloq
15. december 2025-mi aalajangiineranik Naalakkersuisunut ilisimatitsineq.**

**Sisimiuni qitiusumik napparsimmavimmi allannngortiterinermi alliliinermilu killiffik
pillugu ilisimatitsissut, kiisalu aningaasaliissutit ilassutaanik
atugassannngortitsinissamik qinnuteqaat. Ataatsimiititaliap suliaa nr. 01.31.06/25-
01159.**

”Naalakkersuisut inassutigaa,

- Aningaasaliissutit *kontomi pingaarnermi 80.00.01 nuussinissamut sillimmatit*
matumani 10,3 mio. koruuninik ikilisinneqassasut, aamma
- Aningaasaliissutit *kontomi pingaarnermi 86.60.01 Peqqinnissaqarfik*,
suliassamut nr. 47.042 Sisimiuni qitiusumik napparsimmavik, 2025-mut
aningaasaliissutit 10,3 mio. koruuninik amerlineqassasut.”

Aningaasaqarnermut Ataatsimiititaliap oqaaseqaatai apeqqutaalu

Apeqqut 1

Kigutileriffiup inaarsarneqarnissaa 12-15 mio. koruunit missaannik
aningaasartuutitaqassasoq naatsorsuutigineqarpoq Peqqinnissaqarfimmillu suliarineqarnissaa
aningaasassaqaleriarpat pilersaarusiorneqarluni. Peqqinnissaqarfiup aningaasatigut
killilimmik peqarnera peqqutigalugu kigutileriffiup inaarsarneqarnissaa
ungasissumiissinnaavoq.

Peqqinnissaqarfiup kigutileriffiup inaarsarnissaanut aningaasatigut pisariaqartinneqartunik
periarfissinneqarnissaa qanoq qulakkeerneqarsinnaava?

Aningaasatigut kingunerisassat suuppat Peqqinnissaqarfik 2025-mi aningaasanik naammat-
tunik immikkoortitsisinnaangippat, taamaalillunilu kigutileriffiup inaarsarneqarnissaa
taamaalilluni kinguartinneqarluni?

Sinneri 2026-mi suliarineqassappat matussuserneqarlutillu? Taamaanngippat qaqugu sulias-
sap suliarineqarnissaa naatsorsuutigineqarpa?

Apeqquut 2

Illup sannaasa betoniusut kuinerinut tunngatillugu kukkusoqarsimaneranik kinguneqartumik suliaq kinguaattorfiusarsimasoq aamma takuneqarsinnaavoq, tamannalu sanasuni aqutsisuni aamma nakkutilliinerni aningaasartuuteqarnerulersitsisimalluni.

Suut kukkussutaasimanersut kinalu kukkunernut taakkununga akisussaasuusimanersoq pillugu Naalakkersuisut itisiliinissaminnut ataatsimiititaliamit piumaffigineqarput.

Apeqquut 3

Suliamut kikkut nakkutilliinermut akisussaasuuppat?

Siunissami kukkunerit taamaattut sapinngisaq tamaat pinaveersaartinniarlugit qanoq qularnaarneqarsinnaava? Nakkutilliinermut sanasullu aqutsisuinut tunngatillugu


Naalakkersuisut nalimmassaanissaminnut pilersaaruteqarpat?

Aningasaqarnermut Ataatsimiititaliap aalajangiinera

Apeqqutit qulaaniittut malillugit Aningasaqarnermut Akileraartarnermullu

Ataatsimiititaliap Naalakkersuisunit innersuussutigineqartut **akuera**i.

Inussiarnersumik inuulluaqqusillunga



Erik Jensen

Aningasaqarnermut Ataatsimiititaliap siulittaasua